

# Amosë pënëntërinso'

## Onporosona Amosë pënëntërinso'

**1** <sup>1-2</sup>Cota huënton israiro'sa no'pa-nënaquë a'nara ninano ya'huërin. Inaso', Ticoa itopi. Inaquë a'nara quëmapi Amosë itopiso ya'huërin. Inaso', notohuaro' ohuicaro'sa pë'ta-huarin. Naporo' Cota huëntonquë, Osiasë copirno hua'anëntëtarin. Israiro'santa', Quiropoamo copirnorin hua'anëntëtarin. Ina Quiropoamoso', Coasë hui'nin. Inapita copirnorin'sa hua'anëntëtarin, Yosëri yonquirinso Amosë anitotëtarin. Israiro'sa ma'sona onpotacaso' yonquirinso', anitotëtarin. Naporo' panca ocohua pacacaso', cato pi'ipi pahuanarin.

Ina sha'huicaso marë' Amosë tapon:

Quirosarin quëran Sinioro nonpachina,  
huira tënëntëtarinso pochin nisarin.

Ina nohuanon Carmiro motopi hui'nimotënquë pasto ya'huërinso', ahuisarin. Naporahuaton ya'ipi Israiro no'paquë napoarin.

**Ya'yorantopisopita naciono'sa Siniorori ana'intarinso'**

<sup>3</sup>Naporin Sinioro: “Tamasco ninanoquë ya'huëpisopitari Carataquë ya'huëpisopita pa'pi aparisitopi.

Hua'namia quëran trichoro'sa<sup>a</sup> nicatona ni'noratopiso pochin tamascoro'sari carataro'sa aparisitëtarin.

Napoaton ana'inta'huaso ya'huërin.

<sup>4</sup>Napopiso marë' Asairo copirno hua'anëntëtarinso pëi', pënquë ahuiquitarahuë.

Pina-tato copirno noya pëinënpitanta', ina pëni chachin ahuiquitarin.

<sup>5</sup>Tamasco ninano ya'coananënpitaso', oquirahuato i'soatarahuë.

Picata-apinquë<sup>b</sup> hua'anëntëtarinso quëmapi ata'huantarahuë.

Piti-itinquë<sup>c</sup> hua'anëntëtarinso quëmapinta', inapotarahuë.

Inapotahuato, siriaro'saso' Quiri parti inimiconënpitari quiquiapona'” tënin.

<sup>6</sup>Ina quëran Sinioro taantarin: “Casa ninanoquë ya'huëpisopitanta', pa'pi co noyahuë' nipi.

Na'a ninanoro'saquë ya'huëpisopita minsërahuatona', itomoro'sa ya'huëpiquë quëpapi. Inaquë inapitari asacatacaiso marë' pa'anconpi.

Napoaton Casaquë ya'huëpisopita ana'inta'huaso ya'huërin.

<sup>a</sup> 1.3 *Trichoro'sa*: Ma'sona ina tapon naporinso nitotacaso marë', Job 41.30 nota acotopiquë ni'quë'. <sup>b</sup> 1.5 *Picata-apinso'*: Co noyahuë' nipisopita motopiana tapon naporin. <sup>c</sup> 1.5 *Piti-itinso'*: Capa cancantopiso pëi', tapon naporin.

- <sup>7</sup> Casa ninano pairanënpita ahui-  
quitarahuë.  
Noya noya pëiro'sanënapitanta',  
ina pëni chachin ata'huan-  
tarin.
- <sup>8</sup> Asototo ninanoquë quëmapi  
hua'anëntërinson'ta', ata'-  
huan'tarahuë.  
Asocaron ninanoquënta  
quëmapi hua'anëntërinso',  
inapotarahuë.  
Ya'ipi chinirahuë quëran, Icoron  
ninanoquë ya'huëpisopita  
ahuëarahuë.  
Co a'naya tëranta huiristino  
quëmapi cha'ëponhuë',”  
tënin.
- <sup>9</sup> Ina quëran Sinioro taantarin:  
“Tiro ninanoquë ya'huëpiso-  
pitanta', pa'pi co noyahuë'  
nipi.  
Inapitaso', a'na no'paquë  
ya'huëpisopitarë'  
iina pochin ninicacaiso marë'  
nani anoyatopi.  
Napoaponaraihuë' inapita  
chachin masahuatona',  
itomoro'sari asacatacaiso marë'  
pa'anconpi.  
Napoaton Tiroquë ya'huë-  
pisopita, ana'inta'huaso  
ya'huërin.
- <sup>10</sup> Tiro ninano pairanënpita ahui-  
quitarahuë.  
Noya noya pëiro'sanënapitanta',  
ina pëni chachin ata'huan-  
tarin,” tënin.
- <sup>11</sup> Ina quëran Sinioro taantarin:  
“Itomoro'santa', pa'pi co noya-  
huë' nipi.  
Israiro'saso', quëmopinëna-  
pita niponaraihuë', pa'pi  
no'huipi.  
No'huitona tëpacaiso marë'

- sahuëni si'huitahuatona ima  
imarantapi.  
No'huiantopiso' nichinapon  
chachin,  
co amasha tëranta nosoropihuë'.  
Napoaton inapitanta', ana'inta'-  
huaso ya'huërin.
- <sup>12</sup> Timan, Posora, inapita nina-  
noro'sa', ahuiquita'huaso  
ya'huërin.  
Noya noya pëiro'sanënapitanta',  
yano taranapona',” tënin.
- <sup>13</sup> Ina quëran Sinioro taantarin:  
“Amono'santa', pa'pi co noya-  
huë' nipi.  
No'panëna apancanatacaiso  
marë' ahuëtopi.  
Inapoatona Carataquë cayo-  
rono'sa ya'huërinso', yápoipi.  
Napoaton inapitanta', ana'inta'-  
huaso ya'huërin.
- <sup>14</sup> Napa ninano pairanënpita ahui-  
quitarahuë.  
Noya noya pëiro'sanënapitanta  
ina pëni chachin ata'huan-  
tarin.  
Ihuaitohuachina tënëntërinso  
pochin  
niahuëatona noncaropiso  
ya'canapon.
- <sup>15</sup> Copirnonënanta', hua'ano'sarë  
chachin  
a'na no'pa'pa' inimicoro'sari  
quëpapon,” tënin.
- 2** <sup>1</sup> Naquëranchin Sinioro taan-  
tarin:  
“Moaporo'santa', pa'pi co noya-  
huë' nipi.  
A'nara Itomo copirno pa'pito-  
piso nansëquën mapi.  
Inapoatona yano taranaquë  
huarë' ahuiquitopi.  
Napoaton moaporo'sa ana'inta'-  
huaso ya'huërin.

<sup>2</sup> Ca nohuanton Moapo parti huí-quitapon.

Quirioto ninanoquë noya noyá-piachin pëiro'sa ya'huërinso' ina pëni chachin ahuiquitapon. Tronpitaro'sa pihuisoi', niahueätona noncarorapi quëran moaporo'sa chimina-pona'.

<sup>3</sup> Copirnonëna osëretarahüë. Ina nisahuaton hua'ano'sa acorinsopitarë chachin, tëpaarahüë," tënin.

<sup>4</sup> Naquëranchin Sinioro taan-tarin:

"Cota huënton israiro'santa', pa'pi co noyahuë' nipi. A'chintërahuësopita nocanatona', pënëntërahuësopitanta co natë-pihuë'.

Shimashonëna moshapiso chachin inapitanta moshaan-tapi.

Napoaton inapitanta ana'inta'-huaso ya'huërin.

<sup>5</sup> Ca nohuanton Cota huënton parti huíquitapon.

Ina pëni chachin Quirosarinquë noya noyápiachin pëiro'sa ya'huërinso', ahuiquitapon," tënin.

**Israiro'santa ana'intacaso  
sha'huëtërinso'**

<sup>6</sup> Naquëranchin Sinioro taan-tarin: "Israiro'santa pa'pi co noyahuë' nipi.

A'naquën co manta tëhuëpiri-nahuë', a'napitari asacatacaiso marë' pa'anpi.

Popriyaro'santa sapatë marëá-chin nihuitopirinahuë', inapotopi.

Napopiso marë' inapitanta', ana'inta'huaso ya'huërin.

<sup>7</sup> Inapitaso', popriyaro'sa aparisi-tatona atapanpi.

Sano piyapiro'santa', co no'të-quën catahuapihuë'.

A'naquëonta hui'ninë', sanapi catopitopi.

Caso noyasáchin nipirahuë', israiro'sa napopiso marë' piyapiro'sa pinorinaco.

<sup>8</sup> Inapitaso' mamanshi marë' ma'sha tëpapiso' ca'patopi.

A'nanpiso pahuëretacaiso' nitotai marë'

a'mopiso ma'patopi.

Ina huëtohuachinara, ina aipi ca'patopi.

Topinan quëran apahuëretahuatona', coriqui ma'patopi.

Ina coriquiquë huino pa'ana-tona',

mamanshinëna moshapiso' pëiro'saquë o'opi," tënin.

<sup>9</sup> Ina quëran Siniorosoi', piyapinënpita itapon:

"Iráca caso shimashonëmapita isoporinquë po'moca'huaso marë'

amororo'sa ata'huantërahuë.

Inapitaso' nonara pochin inapitopirinahuë', ata'huantërahuë nopri nara pochin chiníquëno'sa nipirinahuë', inapotërahuë.

<sup>10</sup> Canpitaso Iquipito quëran ociorahuatëinquëma',

catapini shonca pi'ipi inotëro parti ichiiratëranquëma'.

Ina piquëran, inahua no'panëna hua'anëntamaso marë' quëtëranquëma'.

<sup>11</sup> A'naquëmaso', yonquirahuëso sha'huicaso marë' acoranquëma'.

A'naquëmantá, ca nohuanton  
nasario ya'conama'.

Napotëranquëmaso' no'tëquën ni'ton,  
'co napopirinhuë' napoárin,' co  
ta'camaso ya'huërinhuë'.

Ca Sinioroco no'tëquën sha'hui-  
taranquëma',” itërin.

<sup>12</sup> Ina quëran Sinioro taantarín:  
“Nasario'rsa<sup>d</sup> nipirinahuë', apisápa-  
toma huino o'shitërama'.

Pënëntona'piro'santa pënëinquëmaso  
marë' nanan quëtópirahuë',  
no'huitoma acopitërama'.

<sup>13</sup> Naporamaso marë' mini,  
toronanquë na'a trico a'mitëto-  
pinan pa'pachina,  
no'pa' ni'pirinso pochin canpi-  
tanta nitaranquëma'.

<sup>14</sup> Chiníquën ta'apiramahuënta',  
co cha'ësaramahuë'.

Chini chiníquën nininso tëranta  
co huachi napoarinhue'.

Chini chiníquën cancantërinso  
tëranta co cha'ësarinhue'.

<sup>15</sup> Pë'chinnanquë míso inantopirinhuë',  
co huachi chiniaponhuë'.

Chiníquën ta'ana'pinta', co  
cha'ësarinhue'.

Cahuarioquë ta'arinsonta chimi-  
napon.

<sup>16</sup> Ina tahuëri nanihuachin, chiníquën  
ahuëtona'pi nicaponahuë',  
ahuëtacaiso marë' ohuararinsó-  
pita tē'yatahuaton ta'apon.

Ca Sinioroco chachin no'tëquën  
sha'huitaranquëma',” tënin.

**Pënëntona'pi ma'sona  
nicacaso ya'huërinso'**

**3** <sup>1</sup> Israiro'sanquëma'. Canpitaso',  
Sinioro Iquipito quëran ocoirin-  
quëma'.

Ina naporinso natanco sha'hui-  
chinquëma':

<sup>2</sup> “Isoro'paquë nisha nisha  
naciono'sa ya'huëpirinhue',  
canpitasáchin huayonanquëma'.

Inapotopiranquëmahue', co  
noyahuë' ninama ni'ton,  
ana'inta'huanquëmaso ya'huërin.

<sup>3</sup> Cato ya'pi napopináchin ya'huë-  
huachinara,  
anoyatopi ni'ton, naporin.

<sup>4</sup> Pa'pini' masho tananquë përa-  
pachina,  
nani mapintërin ni'ton, naporin.  
Pa'pini' hui'napishinta ya'huë-  
rinquë tarëtohuachina,  
nani mapintaton napoárin.

<sup>5</sup> Inaira no'paquë anotohuachina,  
yaquiri si'pirin ni'ton, naporin.  
Huënsón, 'huë'ca,' topachina  
ma'sha macaton naporin.

<sup>6</sup> Ninanoquë pomon irinpachina,  
piyapi'sa pa'yanpi.  
Ninanoquë ma'sha onpohuachi-  
nara,  
ca camaitërahuë ni'ton, napoarín.

<sup>7</sup> Inapita naporinso pochachin  
canta ma'sha yanipatora,  
piyapínëhuëpita pënëntona'pi-  
ro'sa'ton anitotarahue'.

<sup>8</sup> Pa'pini' përarinso natanpachi-  
nara, ya'ipi piyapi'sa pa'yanpi.  
Inapochachin cari ma'sona sha'-  
huicaso marë'  
a'na piyapi nanan quëtóhuato,  
jonpopionta sha'huiarin'”  
tënin.

**Samaria ninano ata'huantarinso'**

<sup>9</sup> Ina quëran Sinioro taantarín:  
“Asototo ninanoquë noyápia-  
chin pëiro'sa ya'huërin.

<sup>d</sup>2.12 Nasario'rsa tapon naporinso yanitotohuatan Jue 13.5 notaquë nontëquë'.

Iquipitoquënta', noyápiachin  
pëiro'sa ya'huërin.

Inaquëpita hua'ano'sa ya'huë-  
rinso sha'huitonco':

'Samaria ninano pirayan moto-  
piro'sa ya'huërinquë paco'.

Inaquë mantanta nisapiso',  
ni'conco'.

Itohuara capini ma'sha nion-  
potatona niaparisitapiso',  
ni'conco'.

<sup>10</sup> Inapitaso', noya nicacaiso' co  
nitotopihuë'.

Ahuëtatona ma'sha mapiso',  
noya pëinënaquë tapapi,'  
itonco',” tënin.

<sup>11-12</sup> Ina quëran Sinioro taantarin:

“Samariaro'sa ina pochin  
cancantopiso marë',  
inimiconënapitari ya'huëpiso  
no'pa' tahirapitapi.

Noyá niacorapipiso' ninanoro'sa  
ohuatapona'.

Noya pëinënapitaquë ya'cona-  
tona', ma'shanëna mata-  
pona'.

Pa'pini' ohuica ca'pachina,  
a'paitona'piso' pë'sotërinso'  
manin.

Huëratënhuë nipon, pa'huë-  
quënpitahuë nipon,  
hua'anën a'notacaso marë'  
manin.

Inapochachin Samariaquë  
ya'huëpiso israiro'santa',  
Tamascoquë, noya huënsëna-  
no'sa pa'anatona huënsëtopi-  
rinahuë',  
caraíchin cha'ëtona ta'apona',”  
tënin.

<sup>13-14</sup> Sinioroso' Yosë. Ya'ipi nanita-  
paton naporin:

“Cacopo quëran pipipisopita  
naporahuëso' sha'huitoco'.

Ya'ipi inapitaso oshahuanpi  
ni'ton, ana'inta'huaso'  
yonquiarahuë.

Ina tahuëri nanihuachin,  
Pitiriquë artaroro'sa ya'huë-  
rinso ata'huanarahüë.

Ina artaroro'sa pomonënap-  
tanta',

inimicoro'sari yátonpachina  
të'yatapona'.

<sup>15</sup> Ma'huano'saso', o'napi pëi  
ya'huëtöpi. Pi'ipi pëinta  
ya'huëtöpi.

Ya'huëtöpirinahuë', cari ya'ipi  
ata'huanarahüë.

A'naquën pëiro'saso', huiri  
pomon quëranpita tapapita-  
rapi.

A'naquëonta panca nisahuaton  
noyápiachin pëiro'sa acopi.

Inapopirinahuë', ya'ipi ata'huan-  
tarahuë.”

Ca Sinioroco no'tëquën sha'hui-  
taranquëma'.

#### Samaria sanapi'sa ma'huanpisopitanta pënëninso'

**4** <sup>1</sup> Sanapi'sanquëmanta Samaria  
ninanoquë  
ya'huëramasopita, natanco sha'-  
huichinquëma':

Canpitaso', Pasan parti ohuaca-  
ro'sa amonpiso pochin  
noya coshatatoma', amonama'.  
Popriyaro'sa nonpintatoma  
ihuarama'.

Pahuantopisopitanta aparisitë-  
rama'.

So'yamanta huino quëshiimaso  
camairama'. Naporama'.

<sup>2-3</sup> Sinioroso' Yosë ni'ton, sha'huita-  
tënhuëma naporin:

“Co hua'quiya quëranhuë canpi-  
taso',

arpono'saquë a'tëntatë pochin  
 nitatënënuquëma',  
 inimiconëmapita quëpaponën-  
 quëma'.  
 Hua'huamapitanta', yo'nanaro'-  
 saquë  
 sami pochin a'tëntahuatona',  
 quëpaponá'.  
 Ninano pairanën pacoantopi  
 quëran  
 inimiconëma apanshinahua-  
 tënënuquëma', ocoiarinën-  
 quëma'.  
 Irmon motopi parti inapo  
 quëpataponënuquëma'.  
 Caso Sinioroco noyasáchin  
 nicato  
 inapotiinëmaso', no'tëquën sha'-  
 huitaranquëma',” ténin.

**Siniorori israiro'sa  
 nocanananquë pënëninso'**

- <sup>4</sup> Siniorori israiro'sa nocana-  
 nanquë pënënaton itapon:  
 “Pitiri, Quiricaro, inapita nina-  
 noro'saquë  
 moshatamaso marë' acorama'.  
 Inaquëpita paco'.  
 Co natëtomacohuë', na'con  
 na'con oshahuanco'.  
 Chinotatomaco tëpamaso  
 marënta', tashíramiachín  
 quëco'.  
 Diesmo ca marë' acoamaso  
 ya'huërsonta',  
 nani cara tahuëri quëran quëco'.  
<sup>5</sup> ‘Yosparinquën Sinioro,’ itama-  
 coso marë'  
 pan co ahuëpocatopinanhüë  
 nininsonta', ahuiquitoco'.  
 Canpitaora nohuanton ma'sha  
 yaquëtëramacosonta',  
 ya'ipi parti sha'hui sha'huíran-  
 taco'.

Inapocaso pa'yatërama ni'quë-  
 huarë', inapoco',”  
 Ca Sinioroco napotaranquëma'.

**Yosëri ana'intopirinhüë',  
 israiro'sa co nirotëpisohüë'**

- <sup>6</sup> Naquëranchin Sinioro taan-  
 tarin:  
 “Ca nohuanton ya'ipi ya'huëra-  
 maquë cosharo pahuanin.  
 Inapoapomarahüë', co tahuërë-  
 tëramacohüë'.  
 Ca Sinioroco no'tëquën sha'hui-  
 taranquëma',” ténin.  
<sup>7</sup> Naquëranchin Sinioro taan-  
 tarin:  
 “Ca nohuanton o'naonta  
 pahuantërinquëma'.  
 Sha'tëramaso' nanitacaso marë'  
 cara yoqui pahuanapirin-  
 hüë',  
 a'naquën ninanonëmaquë ao'na-  
 nahuë.  
 A'naquëso nipirinhüë', co o'na-  
 ninhuë'.  
 A'na iminquëso' o'nanin.  
 A'naquëso nipirinhüë', o'nan  
 pahuanin quëran no'pa'  
 yanirin.  
<sup>8</sup> Naporo' i'sha pahuanin ni'ton,  
 a'na ninanoquë a'na ninanoquë  
 i'sha yonípoma pa'nama'.  
 Pacapomarahüë', pi'pisha  
 manama ni'ton, co yamoro  
 inquiramahüë'.  
 Inapoatoma nosorotápomara-  
 hüë', co tahuërëtëramacohüë'.  
 Ca Sinioroco no'tëquën sha'hui-  
 taranquëma',” ténin.  
<sup>9</sup> Naquëranchin Sinioro taantarín:  
 “Ca nohuanton ihuaonta huëya  
 pihuirinquëma'.  
 Napoaton sha'tëramasopitanta  
 ahuiánahuanin.

Sëquërënta a'patëranquëma  
ni'ton, oparonëma pë'yarín.  
Iquiraro'sa', oriporo'sa', inapi-  
tanta pë'yarín.  
Nisha nisha cosharo sha'nama-  
sopitanta ahuirín.  
Inapomatoma parisitápomarahuë',  
co tahuërëtëramacohuë'.  
Ca Sinioroco no'tëquën sha'hui-  
taranquëma',” ténin.  
<sup>10</sup> Naquëranchin Sinioro taan-  
tarín.  
“Íráca iquipitoro'sa nisha nisha  
quëran aparisitërahuë.  
Inapita aparisitërahuëso poch-  
achín canpitanta aparisitëran-  
quëma'.  
Hui'nápinëmapita ahüetopiquë-  
ranchín chimínpi.  
Cahuarionëmapitanta', inimi-  
conëmapitari matërinën-  
quëma'.  
Chinotëramaso në'mëtë pëiro'-  
saquë  
chiminpisopita anarínso', aimë-  
tëranquëma'. Inapotëran-  
quëma'.  
Inapotápiranquëmahuë', co  
tahuërëtëramacohuë'.  
Ca Sinioroco no'tëquën sha'hui-  
taranquëma',” ténin.  
<sup>11</sup> Naquëranchin Sinioro taan-  
tarín:  
“Sotoma, Comora, inapita nina-  
noro'sa',  
huëhuëpiro nitato íráca ata'-  
huantërahuë.  
Inapochachín canpitanta', na'a-  
quëma ata'huantëranquëma'.  
Ina quëran cha'ëramasopitaso',  
pënaya pën quëran ocoipiso  
pochín ninama'.  
Inapoápomarahuë', co tahuërë-  
tëramacohuë'.

Ca Sinioroco no'tëquën sha'hui-  
taranquëma',” ténin.  
<sup>12</sup> Naquëranchin Sinioro taan-  
tarín:  
“Ya'ipi inapita ninamaso marë'  
ana'inta'huanquëmaso  
ya'huërin.  
Inapotaranquëma ni'ton, ni'to-  
nëhuëquë ya'nocamaso  
marë'  
noya niacoatoma ninaco,” ténin.  
<sup>13</sup> Sinioro napotarinquëmaso'  
natanco'. Inari motopiro'sa  
acorín.  
Inari chachín ihuaonta', acorín.  
Ina chachín ma'sona yaníninso-  
pita anitotërinpoa'.  
Ina nohuanton tahuërínta i'hua-  
huachina, tashirín.  
Ina inápa motopiro'sa quëran  
huarë' inariso pa'tërin.  
Inaso Sinioro, Yosë ya'ipi nani-  
taparínso'.  
Inapochín nohuitahua', ténahuë.

**Yosë chachín tahuërëtaantacaiso  
marë' pënëninso'**

**5** <sup>1</sup> Israiro'sanquëma'. Ipóra sha'-  
huitaantaranquëmaso',  
noya natanco':  
Canpita yonquiatënnquëma',  
nichimiantohuatëra sëtátë osha-  
rëso pochín nisarahuë.  
<sup>2</sup> Canpitaso israiro'sanquëma  
po'nama':  
Nanon co so'yayátërapona-  
huë' a'nanaya ya'huërinquë  
chiminaton,  
co macari ananpitaantarínsohuë  
pochín niconama'.  
<sup>3-4</sup> Sinioroso' Yosë ni'ton, napota-  
rinquëma':  
“A'na Israiro ninano quëran  
ahuëtacaiso marë'

- huananca sontaro'sa a'pahuatama-  
mara, pasaíchín huénantapona'  
A'na ninano quéranso' pasa  
a'pahuatama',  
shoncaíchín huénantapona'.  
Napoaponahué', noya nanpirá-  
pamaso nohuantohuatama',  
ca chinotoco catahuainquëma',  
tënin Sinioro.
- <sup>5</sup> Naquëranchin Sinioro taan-  
tarin:  
“Ama Pitiriquë moshatamaso  
marë' pacosohuë'.  
Ina ninanoso', ata'huantapona'.  
Co Quiricarocuë tëranta mosha-  
tamaso marë' pacamaso  
ya'huërinhuë'.  
Inaquë ya'huëpisopitaso', onpo-  
pionta  
inimicoro'sari a'na no'pa'pa'  
quëpaponá'.  
Co Piirsipa ninanocuë tëranta  
moshatamaso marë'  
paacamaso ya'huërinhuë'” tënin.
- <sup>6</sup> Noya nanpirápamaso' nohuan-  
tohuatama',  
Sinioro chinotoco catahuain-  
quëma'.  
Co'so' ina chinotohuatamahuë',  
inimiconëmapita a'patiarin-  
quëma'.  
Ya'huëramaso no'pa', ahuiqui-  
tapi.  
Co inso tëranta Pitiriquë  
ya'huërinso', ina pën atáco-  
pitarinhuë'.
- <sup>7</sup> A'naquën noya nisapirínahuë',  
co noyahuë' nisapiso pochín  
ma'sha onpotërama'.  
Inapoatoma noya nicacaso',  
nocanatë pochín nitërama'.  
Ina marë' canpitaso', ¡ma'huan-  
tacha nisarama paya!
- <sup>8</sup> Inápaquë tayora huëntono'sa  
chitoro pochín ya'nopiso  
ya'huërin.  
A'naso', Priyatisë itopi. A'nanta',  
Orion itopi.  
Ya'ipi inapita Siniorori acorín.  
Ina nohuanton tashinta tahuë-  
rirín.  
Tahuërinta', ina nohuanton  
tashirín.  
Ina nohuanton marë tomontërin.  
Ina quëran no'paquë o'nanín.  
Inaso', Sinioro. Ina pochín  
nohuitoco'.
- <sup>9</sup> Chiníquën nanantopisopita,  
chiníquëno'sa',  
inapita inari ata'huantarín.  
Noyá niacorapipiso' ninanonta',  
inari chachín ata'huantarín.
- <sup>10</sup> A'naquën coisëro'sa no'tëquën  
sha'huipi.  
Canpitariso napoaponahuë', co  
quë'yaramahuë'.  
Quënaninso' no'tëquën sha'hui-  
na'piro'santa', co quë'yara-  
mahuë'.  
Ina marë' canpitaso', ¡ma'huan-  
tacha nisarama paya!
- <sup>11</sup> Popriyaro'sa ihuatoma', na'con  
na'con trico ma'parama'.  
Naporamaso marë' pa'pi noya  
pëiro'sa ya'huëtapomarahué',  
co inaquë ya'huëapomahuë'.  
Noyápiachín oparoro'sa ya'huë-  
tapomarahué',  
co inaquëran huino nicatoma  
o'opomahuë'.
- <sup>12</sup> Pa'pi co noyahuë' ninamasopita  
caso nitotërahué'.  
Oshahuanamasonta', co pichi-  
nahuanhuë' niconín.  
Noya nipisopita ihuarama'.  
Ma'huano'sa pahuë'rëhuachín-  
quëmara,



co huachi no'téquën ana'intëra-  
mahuë'.

Coisëro'santa ma'huano'sa cata-  
huapi ni'ton,  
popriyaro'sara ana'intopi.

<sup>13</sup> Ipora ya'huëpisopita, pa'pi co  
noyahuë' nipi.

Napoaton yonquinahuano'saso',  
co manta topihuë'.

<sup>14</sup> Canpitaso nonpatamara:

“Sinioro canpoaso' catahuara-  
rinpoa',” tënama'.

Co noyahuë' ninamasopita a'po-  
rahuatoma',

nanpicamaso marë' noya nica-  
camaso' cancantoco'.

Napohuatama tëhuënchinso',  
naporamaso no'téquën  
nisarin.

<sup>15</sup> Co noyahuë' ninamasopita  
no'huico'.

Noya nicacamasoso nipirinhüë',  
pa'yatoco'.

Nanan anoyatahuatama', no'të-  
quënáchin sha'huicamaso'  
cancantoco'.

Tapona naporamaso marë' cara-  
yanquëma cha'ëramaso',  
Yosë nosoroápirinquëmahuë'.

Inaso' Sinioro. Ya'ipi nanita-  
parin.

<sup>16-17</sup> Isonta Sinioro sha'huitaantar-  
inquëma':

“Ca nohuanton nani prasaquë  
na'nëpoma'.

Nani cachiquë co napion ancant-  
atoma', noncaropoma'.

Notohuaro' chimipiro'sa  
ya'huëapon ni'ton,

canacaiso marë' na'nëro'sa nipi-  
sopita,

imin camayoro'sa', inapita  
na'nëcaiso marë' amata-  
poma'.

Yai'pi oparoro'saquë  
na'nëpoma'.

Ana'inta'huanquëmaso marë'  
o'mahuato, napoarama'.

Ca Sinioroco napotaranquëma'.

Caso Yosëco yaipi nanitapa-  
rahuë, tënahuë,” tënin.

<sup>18</sup> Ina quëran Sinioro taantarin:

“A'naquëma ana'inta'huaso  
tahuëri nanicaso', na'con  
nohuantërama'.

Naporamasopitaso', ¡ma'huan-  
tacha nisarama paya!

Ina tahuëri ma'sona onpoca-  
maso' ¡co canpita nitotëra-  
mahuë'!

Ina tahuëri nanihuachin pa'pi  
tashinantápon.

<sup>19</sup> Pa'pini' ta'ananpiapomarahuë',  
tocani' ya'huëre' nacapianta-  
rinso pochin cancantapoma'.

A'naquëonta pëinënuë ya'co-  
nahuaton, pairaquë pisanaso  
chachin

ya'huanarinso pochin cancanta-  
poma'.

<sup>20</sup> Tëhuënchachin ana'inta'huaso  
tahuëri nanihuachin, tashi-  
nantápon.

Pa'pi tashinantápon ni'ton, co  
manta ya'noarinhuë',” tënin.

<sup>21</sup> Naquëranchin Sinioro taan-  
tarin:

“Chinotamacoso marë' pita  
ninamasopita, co quë'yara-  
huë'.

Niyontonpatamara pa'yápiro  
nipiramahuë', co costarincó-  
huë'.

<sup>22</sup> Noya nicatomaco ma'sha tëpa-  
toma ya'ipi ahuiquitopira-  
mahuë',

cariso' co ni'ca'huaso tëranta',  
nohuantërahuë'.

- Trico, sipata, inapitanta quëshi-  
huatamacora co nohuantë-  
rahuë'.
- Toroa'huaro'sa amoshin nipiso-  
pita  
nanan anoyatërëhuaso marë'  
tëparamasonta', co nohuan-  
tarahuë'.
- <sup>23</sup> Chinotatomaco cantahuata-  
mara, nonca noncatoco-  
nama'.
- Naporamaso amirahuë ni'ton,  
ïta'toco huachi!  
Chinotatomaco arparo'santa  
pi'niramaso', jco huachi  
yanatanahuë'!
- <sup>24</sup> Pancai' pa'irinso pochin noya  
ninitatoma',  
no'tëquënáchin niyonquirapico  
tëhuënchinso'.
- Huinan co yanirinsohuë pochin  
noya piyapi nico',” ténin.
- <sup>25</sup> Naquëranchin Sinioro taantarín:  
“Israiro'sanquëma canpitaso',  
iráca catapini shonca pi'ipi  
inotëro parti pa'nama'.  
Inaëchin pacasëma',  
co onporonta ma'sha chinota-  
macoso marë' tëparamahuë'.  
Naporahuaton co ma'sha  
tëranta quëshiramacohuë'.
- <sup>26</sup> Sicoto itopiso' mamanshi,  
copirnonëma pochin nicatoma  
quëparama'.  
Tayora nonanamaso' Quiono  
itopisonta', quëparama'.  
Inapita mamanshiro'saso',  
canpitaora chachin ninama'.  
‘Yosëro'sa nonanhua', ta'toma  
naporama'.
- <sup>27</sup> Naporamaso marë' a'na parti  
quëpaponënuëma'.  
Tamasco ninano aquëtëran  
të'yataponënuëma'.

Ca Sinioroco napotaranquëma'.  
Caso Yosëco ya'ipi nanitapa-  
rahuë'.

Ina pochin nohuitamacoso  
ya'huërin,” ténin.

**Israiro'sa ana'intacaso  
ya'huërinso'**

- 6** <sup>1</sup> Quirosarínquë yashi yashin  
ya'huëpisopita,  
jma'huantacha nisapi paya!  
Samariaquënta': “Noya ya'huëa-  
rihua'. Co manta onpoari-  
huahuë',”  
topisopita, jma'huantacha  
nisapi paya!  
“Quirosarin, Samaria, inapita  
ninanoro'saso',  
chini chiniquën nanantopi,”  
topi hua'anënpita.  
Napoaton a'napita israiro'saso',  
inapitari catahuacaiso marë'  
paapapi.
- <sup>2</sup> Paapahuachinara, hua'ano'sari:  
“Carini ninanoquë pa'sahua-  
toma',  
onpopinsona ya'huëhuano'sa  
ya'huëpiso', ni'conco'.  
Ina quëran Amato ninanoquë  
paantaco'. Inaso', panca  
ninano'.  
Amato quëran Cato ninanoquë  
pa'mantaco'.  
Inaso', huiristino'sa ninano-  
nëna'.  
Inaquëpita pa'sahuatoma',  
onpopinsona ya'huëpiso',  
ni'conco'.  
jInapita ninanoro'saso', co  
Israiro no'paquë pochin  
ya'huëpihuë'!  
jApinapichin no'paquë  
ya'huëpi!” itopi.
- <sup>3-4</sup> Inapoatoma canpitaso',

- Yosè ata'huantiinquëmaso  
tahuëri, co yayonquirama-  
huë'.
- Nipirinhüë', co noyahuë' nisá-  
patoma ina tahuëri amano-  
tarama'.
- Noyápiachin pë'sararo'sa  
Huirí pomon quëran nipinan  
ya'huëtërinquëma'.
- Pitaro'sa tahuëri nipachina,  
inaquë noyá níótënama'.
- Toroa'huaro'sa amoshin  
ya'huëtërinquëmaso',  
carniroa'huaro'sa',  
inapita tëparahuatoma noya  
coshatárama'.
- <sup>5</sup> Pirinan pihuipoma pochin  
manta tëranta cantarama'.
- Tapi copirno pochin  
co ni'chinpisohuë' pi'nicaíso',  
pihuicaíso', inapita ocoipitë-  
rarama'.
- <sup>6</sup> Huino o'otoma no'pirárama'.  
Noya noya hua'sai' pashirama'.  
Canpitaso ta'huantochináchin  
nisapiramahuë':  
"Ma'ta pini," toconama'.
- <sup>7</sup> Naponama ni'ton,  
canpita'ton Sinioro a'na  
no'pa'pa' të'yatarinquëma'.  
Pita nicatoma noncaroyantëra-  
maso', copi tapon huachi.
- <sup>8</sup> Ina quëran Yosëso taantapon:  
"Caso Yosëco ya'ipi nanitaparahuë'.  
Caso Sinioroco ni'to, no'tëquën  
sha'huitaranquëma':  
'Israiro'saso', yanocantopi.  
Inapopiso co quë'yarahüë'.  
Noya pëiro'sa ya'huëtöpi ni'ton,  
"co manta onpoaraihuë'" topi-  
sonta', co quë'yarahüë'.  
Ca nohuanton inimiconënapitari  
Samariaquë ya'huëpisopita  
minsëapona'.
- Inapotatona', yai'pi ma'shanë-  
napita matapona', tënahuë',"  
tënin.
- <sup>9</sup> Naporo' a'na pëiquë shonca  
ya'pi quëparitohuachina',  
shonca chachin chiminapona'.
- <sup>10</sup> Naporo tahuëri'sa nanpipisopi-  
taso', pa'pi të'huapona'.  
A'naso', a'na pëiquë ya'cona-  
huaton,  
quëmopinën chimininso',  
a'pëcaso marë' yonissarin.  
Patoanaro'saquë yoniso', a'nara  
quënanahuaton:  
"¿Ya'huëarin aquëtë huarë'  
piyapi acoana?" itapon.  
"Capa, co ya'huërinhuë'," itarin  
inarinta.
- Napotahuaton, të'huanënguë  
napopitarapon:  
"¿Ta'tëquë! ni'quëna aquëtë huarë'  
nonaton, Sinioro chinototan.  
Napohuatan, inaso natanatën-  
quën canponta tëpahua-  
chinpo'," itapon.
- <sup>11</sup> Sinioro chachin panca pëiro'sa  
ya'huërinso'pita,  
ata'huantacaiso camaitapon  
ni'ton, inapoapona'.  
Hua'huishin pëiro'santa', inapo-  
tacaiso camaitapon.  
Napohuachina, ya'ipi pëiro'sa  
ta'huantapon.
- <sup>12</sup> ¡Cahuarioro'saso', co nanitopihuë'  
natëtëro'sa pa'tontacaiso!  
¡No'pa' ohuërëpiquë ohuacaro'-  
saso', co marë ohuërëapona-  
huë'!  
"Coisëro'sa catahuainacoi,"  
ta'tona a'naquënso huëcapai-  
pirinënguëmahuë',  
canpitariso' noniatë pochin  
nitatoma', tëpatë pochin  
nitërama'.

Inapostatoma', co inapocasohuë'  
nininso ninama'.

Catahuamaso marë' ninarinëma-  
sopita co catahuatomahuë',  
na'con na'con ano'huitërama'.

<sup>13</sup>Notiparo ninanoso', a'napitari  
hua'anëntapirinhüë',  
inapita canarahuatoma mataan-  
tarama'.

Ina marë' canpitaso': "Ma noyacha  
ahuëtërai paya," toconama'.

"Quiyaora chiniatoi, Carnain  
ninanonta', minsërai,"  
tomantatoma topinan quëran  
capa cancantërama'.

<sup>14</sup>Naporamaso marë' noya  
natanco israiro'sanquëma'.

Sinioro chachin sha'huitarin-  
quëma'. Inaso' Yosë ni'ton,  
ya'ipi nanitaparin:

"Naporamaso marë' a'na nacion  
sontaro'sa  
ahuëinënuëmaso marë' a'pata-  
ranquëma'.

Inapitaso' huë'pachina, pëtëtë parti  
Amato pëntoinan itopi quëran,  
pë'natë partinta Arapa i'sha  
itopiquë huarë' a'parisitari-  
nënuëma'," tënin Sinioro.

#### Sëquëre quëran ana'intacaso quënaninso'

**7** <sup>1</sup>A'na tahuëri Sinioro hua'narëso  
pochin a'notërinco. Inaso', pa'pi  
notohuaro' sëquëre' acorarin ni'nahuë.  
Naporoso copirno marë' sha'topiso',  
nani yaquiatona mapi. Yaquipisonta',  
nani papoantararin. <sup>2</sup>Ina quëran sëquë-  
roro'saso', sharo'sa', pacatoro', inapita  
pë'yarantararin. Naporahuachinara:

—Sinioro, tëhuënhachin osha-  
huanpiraihuë', oshanëhuëi inquitocoi.

Israiro'sa inapostatón ana'intohuatan,  
co chiniapihuë'. Hua'huaro'sa pochin  
nisapi nichinapon chachin ta'huanta-  
pona', itërahuë ina nontato. <sup>3</sup>Napotohua-  
tora, Siniorosó' israiro'sa ana'intacaso  
yonquiaponahuë', tananpitërin.

—Co inapotapohüë', tënin.

#### Pën quëran ana'intacaso quënaninso'

<sup>4</sup>Ina piquëran Siniorosó', pën quëran  
ya'huëre ana'intiinpoaso yonquirinso',  
a'notaantarinco. Pa'pi huëya pën mashori  
panca marë anpotërinso', ayanimiatërin.  
Imino'sa', pastoro'sa', inapitanta huëya-  
rantararin. <sup>5</sup>Naporahuachina:

—Sinioro, ama ina pochin ana'into-  
coisohuë'. Israiro'sa inapostatón ana'in-  
tohuatan, co chiniapihuë'. Hua'huaro'sa  
pochin nisapi nichinapon chachin  
ta'huantapona', itaantarahuë.

<sup>6</sup>Napotohuatora, Siniorosó' israiro'sa  
ana'intacaso yonquiaponahuë', tanan-  
pitaantarín.

—Co inapotapohüë', tënin.

#### Paira tantiatinan quënaninso'

<sup>7</sup>Ina piquëran Siniorosó', a'na ya'huëre  
hua'narëso pochin a'notaantarinco. Sinioro  
chachin a'na paira pirayan huaniárin  
ni'nahuë. Imirinquë a'nara paira tantia-  
tiinán sël'quëarin. <sup>8</sup>Ina quëran nataninco:

—¿Ma'ta Amosë ni'nán? itërinco.

—A'nara pëi tantiatiinán ni'nahuë,  
itërahuë.

—Ina mini. Pëina'piso', isanpi quëran  
paira no'tëquën pantarinso' tantiarín.  
Inapochachin canta', piyapinëhuëpita  
noyasáchin nisapiso', tantiarahuë. Na'aro  
nicha'ëpirahuë', co noyahuë' nipachinara,  
ana'intarahuë huachi. <sup>9</sup>Isaco quëran pipi-  
pisopita<sup>e</sup> mamanshi moshacaiso marë'

<sup>e</sup>7.9 Isaco quëran pipipisopita: Inapitaso' israiro'sa chachin tapon naporin.

inahuara nohuanton artaroro'sa acopi. Inapitaso', ya'ipi ta'huantapona'. Israiro'sa mamanshi moshacaiso maré' pëipisopitanta', tapiarahué. Quiropoamo copirno quëmopinënpitanta', co huachi israiro'sa hua'anëntapona'hué', ténin.

#### Amasiasëri Amosë no'huirinsó'

<sup>10-11</sup> Pitiriqué a'nara corto hua'an ya'huërin. Inaso', Amasiasë itopi. Pënëntërahuëso' natanahuaton, Quiropoamo copirno anitotacaso maré' nanan a'patërin: “Amosë yaocoiatënquën pinosárinquën. Naporinsó', ya'ipi israiro'sacoi co noyahué' natanai. Naporin pënëntapon: ‘Inimicoro'sari israiro'sa ahuëhuachina', Quiropoamoso' ahuëtápaton, chiminapon. Inapoatona inimicoro'saso', a'na no'pa'pa' quiquia-ponënpoa', ténin,” itopi. <sup>12</sup>Ina quëran Amasiasëso', itaponco:

—Pënëntaton yacanahuatansó', ya'huëranquë paantaton inaquë pënëntëquë'. <sup>13</sup>Ama huachi isëquëso pënëntëquësóhué'. Isëquë copirnonta moshatërin. Naporahuaton ya'ipi Israiro no'paquë ya'huërin sopita quëran, noya noya moshato pëi isëquëso ya'huërin, itërinco.

<sup>14</sup>Napotohuachincora:

—Co caso pënëtona'picóhué'. Naporahuaton co cana'huaso maré' pënëntërahué'. Caso ohuicaro'sa a'paiato sacatërahué. Naporahuato iquirá nara nitërinso', yontonato pa'anahué. <sup>15</sup>Ohuicaro'sa a'pairápirahué': “Carinquën nanan quëtaranquën ni'ton, piyapinëhuëpita pënënacaso maré' paquë',” itërinco Sinioro.

<sup>16</sup>Napoaton quëmanta', Sinioro napotërinquënso natanquë': Quëmaso' pënënatonco: “Quiyaso', Isaco quëran pipiraisopita israiro'sacoi. Inacoi ni'toi, Yosë ma'sha onpotiincoiso yonquirinsó'

yasha'huitopirancoihué', ama ina sha'huitocoisóhué',” itëranco. <sup>17</sup>Napotopirancohué', quëmanta Sinioro ma'sha yaonpotërinquënso sha'huichinquën: “A'na tahuëri quëmaso sa'an, iso ninanoquë chachin pota ya'conapon. Hui'nanpitaso', sahuëni quëran chiminapona'. No'panënta', nicanatona mapona'. Quëmaso nipirinhué', co Yosë imapiquëhué' quëpahuachinën, inaquë chiminapon. Israiro'santa', áquë no'pa'pa' inimicoro'sari quëpaponá', ténin Sinioro,” itërahué.

#### Huayo noyá cayatërinso pochin nininsó'

**8** <sup>1</sup>A'na tahuëri Sinioro hua'narëso pochin a'notaantarinco. A'na i'mëquë huayo noyá cayatërin ni'nahué. <sup>2</sup>Ina quëran Sinioro nataninco:

—¿Ma'ta Amosë ni'nán? itërinco.

—A'na i'mëquë huayo noyá cayatërin ni'nahué, itërahué.

Naporo' Sinioro taantarín:

—Tëhuëenchachin mini. Israiro'santa', nani huachi noyá cayapiso pochin nipi. Napoaton co huachi aquëtë nicha'ësarahué'. <sup>3</sup>Ina tahuëri nanihuachin, copirno noyápiachin pëinënquë cantayantopiso', copi tapon. Na'nëro'sa ya'huëré', oshaatona noncarorantapona'. Notohuaro' piyapi naporo chiminapon ni'ton, co huachi pa'pitapona'hué'. Onpopinquë tëranta topinan të'ya-tapona'. Co manta tēcaponaraihué', të'ya-tapona'. Ca Sinioroco no'tëquën sha'huitaranquëma', ténin.

#### Israiro'sa ana'intacaso ya'caritërinso'

<sup>4</sup>A'naquëmaso co panorohuanhué' nicatoma', sano piyapiro'sa ihuarama'. Popriyatopisopitanta', na'con na'con aparisitërama'. <sup>5-6</sup>Canpitaso ma'sha

pa'ana'pinquëma ni'ton: “¡Trico pa'antacaso marë' yoquia'huarai' pita, manóton na'huëin! Ihuatë pë'tënanquë pë'tënatëhua', na'con na'con canacaso marë' ¡Sahuatonta', a'naroáchin na'huëin! Popriyaro'sa aquëtë apopriyatahua'. Inahuara chachionta', nihuirinpoaso marë' pa'anhua'. Sapatë marëya tëranta nihuihuachinpoa', inapotahua'. Trico nitapihuachina të'lyatopirëhuahuë', ina tëranta pa'antacaso ya'huërin,” tënama'.

<sup>7</sup>Inaporamaso marë' Sinioro tapon: “Caso Sinioroco ni'to, israiro'sanquëma chinotopiramacohuë', co onporonta naporamaso naniantarahuë'.

<sup>8</sup> ¡Ana'intohuatënuëma', yai'pi ro'pa' nacontapon!  
 ¡Ya'ipi piyapiro'santa', na'në-caiso' ya'huëapon!  
 Isoro'pa' chachionta', Niroi' pamatërinso pochin nisarín.  
 Pamatërin quëran huinquintërinso pochin, nisarín anta',” tënin.

<sup>9</sup>Naquëranchin Sinioro taantarín: “Isonta', ca Sinioroco no'tëquën sha'huitaranquëma':  
 Ina tahuëri nanihuachin, camotëchin nipirínhuë', pi'i taco-piapon.

Yono pi'i nipirínhuë', tashiapon.

<sup>10</sup>Pita tahuëri'sa na'huëyantëramaso', acopitarahuë'.

Pita ya'huërenamën, chimin-pisopita marë' na'nëtoma oshaarápoma'.

Sëtohuachinara a'mopiso', canpitanta a'mosarama'.

Co napion ancatohuachinara noyá niya'itopiso pochin niya'itarama'.

A'naíchin hui'nin ya'huëtöpirínhuë',  
 chiminpachina na'nëpiso pochin nisarama'.

<sup>11</sup>Co hua'quiya quëranhuë', tana-caiso isoro'paquë a'pararahuë'.

Napoaponahuë', co cosharo quëran tanaponahuë'.

Co o'oi quëran yamoroapona-huë'.

Ca nanamëhuë natanacaiso marë' tanarëso pochin nisapi'.

<sup>12</sup>Napoatona piyapi'sa patë patërantapona'.

Ca Sinioroco nonahuëso', yonitona napoapona'.

A'na marë quëran a'na marë'pa', norti parti quëran pi'i pipirínso parti papona'.

Napopirínahuë', co nanamëhuë natanapíhuë'.

<sup>13</sup>Nano'sa noyápiroyanchin nipirínahuë',

hui'napi'santa chiníquën cancantopirínahuë', yamorotona', tapinanpitërapona'.

<sup>14</sup>Samariaquë mamanshiro'sa chinotatona':

‘No'tëquën nontaranquën.

Tano mamanshianta'<sup>ë</sup>, topi a'naquën.

Piirsipaquënta mamanshiro'sa ya'huërinso chinotatona':

‘No'tëquën nontaranquën. Piirsipa mamanshianta', topi a'naquëonta'.

Napopisopitaso', ca nohuanton anotëresö pochin nipachina', co huachi huënsëaponahuë',” tënin Sinioro.

<sup>ë</sup> 8.14 *Tano mamanshianta'*: Tano israiro'sa huënton mamanshi moshapiso', tapon naporin.

**Artaro pirayan huanirin  
quëran sha'huitërinso'**

- 9** <sup>1</sup>Naquëranchin hua'narëso pochin  
Sinioro quënaantarahuë.  
Inaso', artaro pirayan huaniton  
sha'huitërinco:  
“Chinotërinacoso pëi onënën-  
pita aipi motën pochin  
acotopiso', ahuëquë'.  
Inapotohuatan, chinotërinacoso  
pëi nacontapon. Pairanënpita,  
pëi a'canpiso', inapita naconta-  
tona piyapi'sa aipi anochina'.  
Nopoato nopoatotatona', piya-  
pi'sa ni'pi'in.  
Ina quëran cha'ëpisopitaso', ca  
nohuanton sahuëni quëran  
tëpapona'.  
Yata'apirinahuë', co a'naya  
tëranta cha'ëponhuë'.  
<sup>2</sup> Acoporoquë na'pipirinahuë',  
inaquëran cari ocoiarahuë.  
Pi'iro'të aquëtë pantahuachi-  
nanta', cari anohuaantapo.  
<sup>3-4</sup> Carmiro motopi hui'nimotën'pa'  
na'pihuachina,  
inaquënta pa'sahuato maconta-  
rahuë.  
Marë acopoi' na'pitoahuachinaconta',  
inaquë panca ya'huan acora-  
huëso' a'patohuato,  
inari oqui oquitapon.  
Inimiconënapitari a'na no'pa'pa'  
quëpahuachinara,  
ca nohuanton inaquë sahuëni  
quëran chiminapona'.  
Co huachi catahuapohuë'.  
Nani ata'huanta'huaso yonqui-  
rahuë,” itërinco.

**Amosë Sinioro chinotërinso'**

- <sup>5</sup> Sinioroso', Yosë. Inaso', ya'ipi  
nanitaparin.

- Isoro'pa' cariatë pochin nipa-  
china,  
pëni pa'n'an apoirinso pochin  
nitërin.  
Napohuachina, piyapi'sa na'në-  
rantapona'.  
Niroi' pamatohuachina huin-  
quintërinso pochin  
isoro'panta nisarin.  
<sup>6</sup> Sinioroso', inápaquë ya'huërin.  
Isoro'pa' aipi pi'iro'të acorin.  
Ina nohuanton marë quëran  
chitoro pipihuachina,  
isoro'paquë o'nanin. Inaso'  
Sinioro.  
Ina pochin nohuitërehua'.

**Trico taparapiso pochin  
israiro'sa nitarinso'**

- <sup>7</sup> Naquëranchin Sinioro pënën-  
taantarin:  
“Isonta', ca Sinioroco no'tëquën  
sha'huitaranquëma':  
'Israiro'sanquëma'. Canpitaso',  
itiopiaro'sa pochin ni'nana-  
quëma'.  
Canpita Iquipito quëran ocoira-  
huatënuquëma  
isëquë quënanquëmaso pochachin,  
Crita so'ton quëran huiristino'-  
santa quënuhuë.  
Siriario'santa', Quiri parti  
quëran quënuhuë.  
<sup>8</sup> Israiro'sanquëma', canpitaso  
na'con oshahuanama nicato,  
ana'intatënuquëma ata'huanta-  
ranquëma'.  
Napoaponahuë', co noyá ata'-  
huantaponquëmahuë'.  
Ca Sinioroco no'tëquën sha'hui-  
taranquëma'.  
<sup>9</sup> Trico to'norahuachinara  
pintiapi.

Canpitanta israiro'sanquëma',  
 inapotatë pochin nitiinëmaso'  
 camaitarahuë.

Inapotohuachinënquëma',  
 napoonamasopitaso co chinia-  
 ramahuë'.

<sup>10</sup> Canpitato nonpatamara: “Co  
 onporo napoarihuahuë'.

Noya ya'huëáparihua',” toco-  
 nama'.

Piyapinëhuëpitanquëma mini  
 nipomarahuë',  
 oshahuanacasoráchin cancantë-  
 rama'.

Naporama ni'ton, ca nohuanton  
 sahuëni quëran chimina-  
 poma', ténahuë,” ténin.

**A'na tahuëri israiro'sa noya  
 acoantacaso' sha'huirinso'**

<sup>11</sup> Naquëranchin Siniro taantarín:  
 “Co hua'quiya quëranhuë' israiro'sa  
 noya acoantarahuë. Iráca Tapi  
 copirnorí hua'anëntapon naporinso  
 pochachin acoantarahuë. <sup>12</sup> Naporó'  
 israiro'sanquëmaso', itomoro'sa

minsërahuatoma', no'panëna hua'a-  
 nëntapoma'. A'napita naciono'santa  
 inapotapoma'. Ca Siniroco no'tëquën  
 sha'huitaranquëma',” ténin.

<sup>13</sup> Naquëranchin Siniro taantarín:  
 “Co hua'quiya quëranhuë' Israiro  
 no'paquë sharo'sa noya noyatapon.  
 Trico nanquicaiso pahuanapirinhuë',  
 no'pa' taparoantacaso tahuëri'sa  
 naniantarin. Opanta cayarínso co ya'ipi  
 to'poiýátërasoihuë', trico ya'huëë  
 shaantacaso naniantarin. Motopiro'sa',  
 motopia'huaro'sa', inaquëpita huino i'sha  
 pochin pacapon. <sup>14</sup> Naporó' israiro'sa  
 nisha nisha parti quëpapiso', isëquë  
 chachin quëantarahuë. Ninanoro'sa  
 ata'huantopisopita anoyataantapona'.  
 Inapotahuatona inaquë ya'huëapona'.  
 Oparotahuatona', huino o'opona'. Nisha  
 nisha cosharo shacatona capona'.

<sup>15</sup> Inahuara no'panënaquë chachin  
 ya'huëantapona'. Ina piquëranso', co  
 huachi onporo tëranta no'pa' quëtë-  
 rahuë quëran ocoiaponahuë'. Caso  
 Siniroco, Yosënëmaco ni'ton, no'tëquën  
 sha'huitaranquëma',” ténin.